

**ТАНЫМ САЛАСЫ**  
**СЕНСОРИКАЛЫҚ**  
**ОЙЫНДАР**  
**КАРТОТЕКАСЫ**





## «Көжсекті жасыр»

**Мақсаты:** Төрт мүмкіндіктің ішінен екі берілген нысанды таңдауға үйрету.  
**Ойыншылар саны:** 5-6 бала.

**Керекті құралдар:** Екі түске бөлінген карточкалар (алаңқайлар), көжсектер: қызыл, көк (әр балаға әр түстен).

**Ойынның барысы:** Балалар көжсекті екі түске бөлінген алаңқайларға орналастыру керек. Көк түсті көжсекті көк алаңқайға, ал қызыл көжсекті қызыл алаңқайға.



## «Макарон моншақтар»

**Мақсаты:** Балаларға моншақ жасауды үйрету.  
**Ойыншылар саны:** 10-15 бала.

**Керекті құралдар:** Әр балаға түрлі түске боялған макарон өнімі жіне жіп.

**Ойынның барысы:** әр балаға макарон өнімдерінен тізбектелген моншақтар үлгідегідей беріледі. Үлгідегідей етіп, әр-түрлі түсте боялған үш түрлі көлемдегі макарон өнімдерінен жасалған моншақтарды жіпке тізбектейді.



## «Шыршаны безендір»

**Мақсаты:** Заттың түсің ажырата білу, тәрбиеші сұразын дұрыс түсіне білу.

**Геометриялық пішіндер жайлы түсініктерін кеңейту.**

**Ойыншылар саны:** 5-6 бала.

**Керекті құралдар:** Шырша, түрлі түсті пішіндер.

**Ойынның барысы:** Балалар шыршаны қызыл, жасыл, сары, көк түсті пішіндермен безендіру керек.

Әрбір ойыншықтың пішінің сұрайды.

\* (ұшбұрыш, төртбұрыш, дөңгелек).



## Түрлі түсті жолақшалар.

**Мақсаты:** Балаларды ұзын – қысқа , түрлі – түсті жолақшаларды ажырата білуге үйрету.

**Ойыншылар саны:** 10-15 бала.

**Керекті құралдар:** ұзын – қысқа, түрлі – түсті жолақшалар.

**Ойынның барысы:** Балаларға ұзын- қысқа жолақшаларды беріп , оларды салыстырып, қайсысы ұзын, қайсысы қысқа екенін анықтау.



## *Түрлі түсті маталар.*

*Мақсаты: Балаларды түстерді ажырата білуге үйрету арқылы таным белсенділіктерін арттыру.*

*Ойыншылар саны: 5-10 бала.*

*\* Керекті құралдар: Түрлі – түсті мата қиындылары.*

*Ойынның барысы: Тәрбиеші балаларға мата қиындыларын таратады да, өзі бір түсті атайды. Орнында отырған бала тез орнынан тұрып, ортаға жүгіріп шығуы тиіс.*



## Үлкен –кіші.

**Мақсаты:** Балаларды үлкен – кіші ұзымымен таныстыру.

**Ойыншылар саны:** 5-10 бала.

**Керекті құралдар:** әр түрлі көлемдегі үлкен- кіші заттар.

**Ойынның барысы:** Балаларға әр түрлі көлемдегі заттарды беріп, кішіден – үлкенге қарай айтқыза отырып, көрсетеді.



## «Балықты ұста»

**Мақсаты:** балаларға заттың түсін дұрыс ажыратып, атай білуге үйрету.

**Ойыншылар саны:** 5-6 бала.

**Керекті құралдар:** Аквариум, түрлі түсті балықтар, қармақ.

**Ойынның барысы:** Тәрбиеші балаларға балықты қармақпен ұстап, қармаққа түскен балықтың түсін атауды сұрайды.

Содан кейін балықтың түсіне сәйкес топта қандай зат бар екенің атауды сұрайды.



## «Кілтті тап»

**Мақсаты:** Балаларды түстерді , геометриялық пішіндерді ажырата білуге үйрету, көру , ойлау қабілеттерін арттыру.

**Ойыншылар саны:** 5-10 бала.

**Керекті құралдар:** Түрлі – түсті құлып суреттері және геометриялық пішіндер.

**Ойынның барысы:** Балаларға қызылз көк , сары , жасыл, құлыптарды тарату, балалар олардың кілттерін , яғни кілттерді түстеріне сәйкес табуы керек.



## «Айырмашылығын тап»

**Мақсаты:** Балаларға екі суреттің немесе заттың айырмашылығын таба білуге; өз ойын айта білуге үйрету; ақыл - ойларын дамыту; шыдамдылыққа, досының жауабын тыңдай білуге дағдыландыру.

### Мазмұны.

Бұл ойында тәрбиеші сенсориканы, көлемді, кеңістік қатынасын, санын салыстыру үшін белгілі бір мақсатты көздейді. Ары қарай салыстыратын заттардың санын арттыра отырып, бірнеше нұсқаларын қатарынан істеуге болады.

Балалар екі сайқымазақты салыстырады.

\*Салыстыруда мына сөздер пайдаланылады: кең – тар, қалың – жұқа, ұзын – қысқа.

## «Зат неге ұқсайды?»


**Мақсаты:** Геометриялық денелер мен фигуралар туралы білімдерін бекіту; айналадағы заттардың геометриялық пішінін ажырата білу дағдыларын дамыту.

**1 - нұсқа.**

Тәрбиеші геометриялық пішінді немесе геометриялық денені балаларға көрсетеді, ал балалар оның қоршаған ортадағы қандай затқа ұқсайтындығын табады немесе естеріне түсіреді.

**2 - нұсқа.**

Тәрбиешінің үстелінің үстінде геометриялық пішіндерді немесе заттар мен суреттер жатыр. Бала суретті не затты таңдай отырып, оның қандай пішінге ұқсайтындығын айтады. Өзінің жауабын түсіндіреді.



## **«Қажет суретті тап»**

**Ойынға қажет заттар:** Үлкен және кішкене суреттер немесе қуыршаққа арналған ыдыстар, пластилиннен жасаған заттар, конфет, бауырсақ, т. б.

**Ойын ережесі:** Егер ойын суреттермен жүргізілсе тәрбиеші - мұғалім үлкен суреті балалардың бәрі көрсетіндей орынға іледі.

**Мысалы:** үлкен тарелка немесе орамал ұстаған қыздың суреті. Балалар қораптағы суреттердің ішінен тақтаға ілінген сурет мазмұнына сәйкес заттардың суретін алып столға қояды. Не істегені туралы айтады.





## « Жұбын тап»

**Мақсаты:** геометриялық пішіндерді ажыратуға, салыстыруға жаттықтыру; білімдерін бекіту, ойлау қабілеттерін дамыту.

**Құрал-жабдықтары:** әртүрлі ретте орналасқан геометриялық пішіндердің суреттері.

**Мазмұны:** Балаларға геометриялық пішіндер орналасқан суреттерді тарату. Үлгі ретінде бір суретті көрсетіп, дәл осындай суреттің жұбын табуды ұсыну. Суреттердің дұрыстығын тексеру үшін оларды салыстыру.



## «Өз үйіңді тап»

**Ойынның мақсаты:** түстерді ажыратуға жаттықтыру; қабылдауын дамыту; ойынның ережесін сақтауға үйрету.

**Ойынның құрал-жабдықтары:** түрлі-түсті дөңгелектер.

- **Ойынның мазмұны:** Балаларға түрлі-түсті дөңгелектер тарату, түсін атау. Үйлерін көрсету. Белгі бойынша балалар дөңгелектерінің түсі бойынша үлкен шеңберлерге тұра қалады.



## Қонжықтар.

**Мақсаты:** Заттардың мөлшерін , шамасын салыстыру. Аз – көп түсінігін қалыптастыру.

**Ойыншылар саны:** 5-6 бала.

**Керекті құралдар:** Үлкен – кіші суреттер.

**Ойынның барысы:** Балалар үлкен – кішкентай қонжықтарды анықтайды. Үлкен қонжықтарды бір жаққа , кішкентай қонжықтарды бір жаққа қою ұсынылады.